

嘉泰吳興志

喜齋
卷二十一
齊

江苏工业学院图书馆
藏书章

嘉	南
業	林
堂	劉
刊	氏

吳興志序

唐人權載之序正元十道錄謂言地理者獨魏公且因許其經濟遠大之業及觀魏公所論六典地域之差次四方貢賦之名物與夫州郡廢置山川險阻無一不備然後知載之不妥許可今州縣之編雖與並載寰宇者不類條目纖悉亦豈易爲苟非其人則詳略勿當是非雜糅何以信後吳興東南最盛處於今爲股肱郡山水清遠人物賢貴宜有大手筆以志其實左文質統記或謂失之猥并李宗諤所上圖經□於此者又未免簡脫之病顧方欲請於郡一日太守李公郢中偶自言及是且謂郡有博物君子談君監簿慨然以此自任今書成

以鋟木之資屬歸安周令未幾李公詔還富公寺正來
繼又捐金以竟之甚盛事也兆於談君乃同年進士喜
是編出其手因從周令假觀始知郎中除日已屬意乎
此大概本舊志參正史補遺糾誤無一不滿人意列二
十卷卷各有目數千百年閒事了然不疑三輔黃圖殆
不是過蓋嘗謂人之筆力根於天性充於學問猶運舟
挽鈞力有分量弗可勉強紹興以來亦有好事者續圖
經續編志非不盡力如震州荻塘之辨卒亦聽譌而止
吁談君誠良史才奚可多得會將推平素學獻華夷編
經理中原如指諸掌兆淺學寡聞非敢自齒於權載之
列談君事業當超出乎唐魏公之上於以見是編更數

君子而後定歷二賢守而後傳是豈無待而然哉嘉泰
改元臘月郡丞廣信傅兆敬序

吳興志卷一

吳興叢書

宋談鑰撰

建置沿革

湖州

上湖州吳興郡昭慶軍節度治烏程歸安二縣

見熙寧九域志

實禹貢周職方揚州之域

尚書禹貢震澤吳南太湖名周官注曰震澤吳南太湖名周官

職方氏揚州其數澤具區其浸五湖鄭氏注曰具區五湖在吳南

防風氏國在焉

國語注芒

氏之君守封隅之山注封隅山在吳郡永安縣史記注汪罔氏即防封氏國今在武康兼見通典

後屬

句吳

史記吳世家太伯奔荆蠻自號句吳皇覽曰太伯塚在梅里聚左傳襄公三年楚子重伐吳至衡山

杜預注曰衡山在吳興烏程縣南

吳亡入越越滅入楚

史記越世家楚威王殺越王無

疆盡取故吳口地至淞江徐廣曰當周顯王四十六年

秦并諸國罷封建為郡縣

及定荆并越置會稽郡又以其地置縣曰烏程隸會稽

曰故鄣隸鄣郡

史記秦始皇二十五年定荆江南降越君置會稽郡二十六年李斯議曰今海

內一統皆為郡縣置諸侯不便始

皇是之遂分天下為三十六郡杜佑謂鄣吳興郡之

西境會稽吳興郡之東境是也漢高祖平秦取楚六年

統建荆國十二年更名吳

漢書高祖六年正月以故東陽郡吳郡鄣郡立劉賈為荆

王注吳郡本會稽也十一年賈為英布所殺十二年以三郡立滬為吳王景帝三年滬反誅國除

景帝

四年以屬江都國廢隸郡仍秦

漢書江都易王非景帝前一年立為汝南王擊

吳吳破徙王江都治故吳國元狩二年子建謀反自殺國除傳云地入漢為廣陵郡非也廣陵止得江都等四

縣元封二年更鄣郡曰丹楊

見漢志後漢作陽晉志作楊以山多赤柳也

永

建元年分會稽浙江以西為吳郡

後漢志

三國分漢孫氏

霸有江南皓侯烏程入嗣吳統

吳主皓以永興元年十月封為烏程侯

寶

鼎元年適明陵有寇皓以吳郡之永安餘杭臨水陽羨

丹陽之故鄣安吉原鄉於潛漢書作替訪縣之水悉注烏程

乃合九縣爲郡而以烏程爲治所名曰吳興鎮山越藩

陵邑且志所自起也吳志皓卽降諡父和文皇帝改葬明陵吳興統記云明陵在州西一

里吳志寶鼎元年十月永安山賊施但等聚眾數千人劫皓庶弟謙出烏程取孫和陵上鼓吹曲蓋丁固等討

敗之分吳丹楊爲吳興郡詔曰古者分土建國因事制宜今吳郡陽羨永安餘杭臨水及丹陽故鄣安吉原鄉

於潛諸縣地勢水流之便悉注烏程既宜立郡以鎮山越且以藩衛明陵奉承大祭其亟分此九縣爲吳興郡

治烏程南史沈約傳云寶鼎二年誤也又按漢志及通典烏程陽羨故鄣於潛本秦舊縣永安漢初平中分烏

程置臨水吳時分餘杭置晉武帝更名吳興之郡昉於臨安吉原鄉漢中平年分故鄣置

此矣晉太康元年平吳三年析烏程西鄉爲長城東鄉

爲東遷見輿地志按晉志吳興郡統縣十有東遷長城無陽羨舊圖經云晉平吳加領東遷長城二縣

又改永安為武康

見舊唐志沈約傳云太康三年

永興元年割陽羨及

長城之北鄉為義興郡

晉志

宋復分故鄣置綏安縣

舊唐志綏

安唐改齊因之梁置震州

舊圖經統記諸書據通典元

陳後為吳興郡紹興中續圖經辨之曰自秦置郡至陳

未嘗改革隋氏一統始改郡為州太守為刺史按梁書

杜龕傳龕為震州刺史吳興太守遂後以郡兵拒陳文

帝軍是梁分浙西數郡為震州始吳興非改郡也其說

亦未審自秦置郡漢元封中已分十三州置刺史至梁

天監十年有州二十三郡三百五十縣千二十二後又

恢拓土宇以舊州遐闊多有析置大同中有州一百七

郡縣亦稱此謂隋始改郡非也以隋志考之自梁以來

往往以郡為州以縣為郡又別置諸縣紛紛不一如同

安郡置豫州而屬縣宿松為商堪郡懷寧為晉熙郡望

江後為大雷郡同安為樅夏侯諸州郡所置大率如此

故自欽天監官多兼領如火領廬太守據隋志安陸郡

太守馬道根為豫州刺史領汝陰太廬江郡梁置南豫州

梁置南司州安陸縣舊置安陸郡廬江郡梁置南豫州

合肥梁置汝陰郡即此可見蓋當時以吳興郡為震州

而烏程為吳興郡初未嘗廢郡名也舊唐志曰梁置震

州取震澤為名是矣又統記云梁敬帝置震州陳高祖廢按敬帝在位纔三年而陳高祖得之故震州自杜龕

聞外不陳廢州名隋開皇三年罷天下諸郡九年平陳大加併省乃以餘杭臨安

晉改臨水曰臨安

於潛又併武康隸杭

州併故鄣安吉原鄉入綏安隸宣州以東遷長城復入

烏程隸蘇州而郡廢

隋志平陳後吳興郡廢并東遷入焉又廢長城武康又併故鄣安吉

原鄉入綏安屬宣州仁壽二年置武康割烏程又分長城為湖州

隋志仁壽中置湖州又武康長城并仁壽二年後置取太湖為名也湖州之名昉

乎此

舊唐書郡國志五

大業二年州復廢三縣仍屬蘇

杭

通典云煬帝初廢湖州其地入餘姚入吳郡

唐高祖取隋武德四年復置

湖州領烏程一縣僅存州名而已又以豪傑來歸權創

州縣就拜守宰以寵之而武康長城安吉皆自為州

唐志

湖州武德四年置又是年長城置雒州安吉置桃州武
康仍為武州湖州領烏程一縣六年復沒于輔公祏七
年平賊復置統記云大業末沈法興值隋亂引兵守江
上於舊州立吳興郡唐武德三年為李子通所陷四年
杜伏威平之復置湖州六年又為輔公祏所陷七年季
孝恭為刺史復置州參考諸傳沈法興大業初為吳興
太守復為李子通所敗自後別無更置又唐
會要云湖州開元七年置及置烏程縣誤也 七年太宗

即位州縣權置者併省略盡始以武康長城來屬又併

安吉原鄉入長城唐志武德七年廢武州以武康來屬又省雒州及原鄉併入長城來屬又

廢桃州以安吉入長城麟德元年復置安吉天授二年析武康東

鄉置武源定為五縣天寶元年又改州為吳興郡武源

再改為德清唐志武源景雲二年改臨溪天寶元年又改為德清縣乾元元年復

州名舊志乾寧二年以錢鏐為鎮海鎮東軍節度使兼領

二浙三年賜軍號忠國升節度鎮使以授刺史李師悅

唐方鎮表文德元年置忠國軍節度使治湖州續圖經云據師悅神道碑以為丙辰年當乾寧三年按統記李師悅光啟元年授大德元年加忠國軍節度使表誤州於二年加防禦使乾寧三年加忠國軍節度使

是始為節鎮梁開平元年封鏐為吳越王四年鏐始以

錢鏐為刺史五代史吳越世家乾寧二年鏐為鎮海鎮東軍節度使兼有二浙光啟三年取蘇常

唐刺史題名云乾寧四年高彥授招討使天祐四年卒官其子禮襲七年為眾所逐鏐至州安撫以錢鏐為刺史

史是鏐雖在乾寧中領二浙其刺史尚是唐置至高禮見逐始以其親為之據有其地按唐紀天祐四年遜於

梁梁太祖改元開平是時後唐李克用存助仍唐年號稱天祐七年即梁

開平四年也梁太祖即位封錢鏐為後割武康隸杭州

吳越王鏐受其封合用梁開平號濠熙中郡庠志舊編云吳越避

五代史職方攷武康故改長城為長興屬湖州梁割隸杭州

朱梁太祖父諱也按五代史梁太祖周顯德四年改忠之父諱誠鏐嘗受梁吳越王封故避周顯德四年改忠

國軍為宣德以錢堪為節度使堪唐韻音湛宋混一區

字僭偽畢臣太平興國三年吳越王錢俶納土四年復

以武康來屬七年析烏程置歸安景祐元年二月宣德

軍改爲昭慶軍舊編載景祐元年京城昭慶門災上問

其名遂以宣德名門昭慶名軍按續通鑑長編明道元

年六月壬戌大內火延燔崇德長春等八殿癸亥移御

延福宮十一月甲戌修內成大赦改元二年十一月甲

寅改正陽門曰宣德明年爲景祐元年二月改宣德軍

爲昭慶軍事不相屬又按大內南三門中曰宣德東西

門曰左右長慶宣德門本梁建國門興國七年改丹鳳

門祥符八年改正陽門景祐初改宣德是正陽門改宣

德謂兩易其名非也但修內之後延燔入殿名悉更改

次年又改端明殿曰延和改繼昭堂曰繼聖恐是火災

之後以湖郡多水用其軍額爲門名以厭火祥既爲門

名軍額慮更改軍於是始名昭慶自秦始皇二十五年

未可知也俟考歲在己卯初置郡縣越四百八十八年爲吳寶鼎元年

歲在丙戌始爲吳興郡又三百二十六年爲隋仁壽六年

歲在壬戌始

為湖州又二百四十九年為唐乾寧三年歲在乙卯始為節

鎮繇寶鼎元年至慶元六年歲在庚申凡九百三十五年一

為震州再為吳興郡三為湖州節鎮之名亦三易州郡

所隸晉分天下為十九部隸揚州晉志隋初隸揚州行

臺大業末隸徐州總管見統記唐分道置使屬江南東道唐志

太宗元年分天下為十道入日江分東南開元二今為縣六

十一年置十五道採訪使江南分東西道

屬兩浙西路云吳初置郡領縣九烏程永安餘杭臨水

陽羨故鄣安吉原鄉於潛晉析烏程置長城東遷為縣

十一後以陽羨置義興郡為縣十宋以故鄣屬丹陽歷

齊梁陳仍九縣隋平陳郡廢縣或併省各他屬詳見勘置沿革

下仁壽二年以武康晉改永安烏程長城三縣置湖州未幾

復廢唐武德四年復置湖州止領烏程一縣七年始以

武康長城來屬又併安吉原鄉入長城麟德中復置安

吉天授中析武康置武源

天寶中更名德清

終唐之世凡五縣

梁開平中割武康屬杭州又損其一宋太平興國四年

復武康七年析烏程置歸安今爲縣六望烏程望

歸安望安吉望長興上武康緊德清廢縣

四菰城郡國志云春申君立菰城縣在郡南二十五里

秦改爲烏程至今有城因山每歲爲牧馬所東遷在烏

程縣東四十里輿地志云晉太康元年分烏程東鄉置

隋平陳併入烏程原鄉漢中平年分故鄣置武德七年

并入長城吳興太平興國七年轉運使高冕奏云古吳

興郡倚郭管吳興烏程兩縣今為歸安

舊圖經統記並云高冕所奏未

知何從得之據唐書沈伯宜傳云湖州吳興人伯儀仕武后朝則是時有吳興縣但史失書廢置年月所由自

耳縣舊隸本州今隸別州者五

於潛

餘姚

臨水

即臨安

右三縣隋析置杭州屬臨安府陽羨晉置義興郡

今屬常州故鄣晉以屬丹陽今屬廣德軍

烏程縣

望烏程縣

見九域志唐縣分七等赤畿望緊上中下烏程舊為緊大歷十二年始升望見顏真卿石

柱記據唐會要烏程大歷十二年二月二十一日升望

本縣有升望記大歷中尉陳萇撰又據武德令五千戶

以上為上縣開元十八年增千戶其畿赤望緊不限戶

數並為上縣宋建隆九年十月詔應天下縣除畿赤外

四千戶以上為望

三代揚州之域戰國屬楚時已為縣曰菰城

卽春申君黃歇封邑也

郡國志云春申君立菰城縣在郡南二十五里秦改為烏程左